

REGLUGERÐ RÁÐSINS (EB) nr. 219/2007

2010/EES/56/30

frá 27. febrúar 2007

um stofnun sameiginlegs fyrirtækis til að þ róa nýja kynslóð evrópsks kerfis fyrir rekstrarstjórnun flugumferðar (SESAR) (*)

RÁÐ EVRÓPUSAMBANDSINS HEFUR,

með hliðsjón af stofnsáttmála Evrópubandalagsins, einkum 171. gr.,

með hliðsjón af tillögu framkvæmdastjórnarinnar,

með hliðsjón af álitum Evrópuþingsins,

með hliðsjón af álitum efnahags- og félagsmálanefndar Evrópubandalaganna,

og að teknu tilliti til eftirfarandi:

- 3) Í kjölfar aðildar Bandalagsins að Evrópustofnuninni um öryggi flugleiðsögu hafa framkvæmdastjórnin og Evrópustofnunin um öryggi flugleiðsögu undirritað rammastofning um samstarf við útfærslu á samevrópska loftrýminu og um rannsóknir og þ roun á sviði flugumferðarstjórnar.
- 4) Í samræmi við viðmiðunarreglurnar, sem samkeppnisráðið samþykkti 7. júní 2005 um undirbúning væntanlegrar evrópskrar geimtækniáætlunar, ber Evrópusambandið ábyrgð á framboði rekstartengdrar þjónustu og samfelldni hennar, sem er stefnum þess til stuðnings, og mun stuðla að þróun, nýtingu og rekstri evrópsks geimtæknigrunnvirkis með því að leggja áherslu á búnað í geimnum sem stuðlar að því að stefnumiðum þess verði náð.
- 1) Til að koma á samevrópska loftrýminu samþykktu Evrópuþingið og ráðið hinn 10. mars 2004 reglugerð (EB) nr. 549/2004 um setningu rammaákvæða um að koma á samevrópsku loftrými (rammareglugerðin) ⁽¹⁾, reglugerð (EB) nr. 550/2004 um að veita þjónustu á sviði flugleiðsögu í samevrópska loftrýminu (þjónustureglugerðin) ⁽²⁾, reglugerð (EB) nr. 551/2004 um skipulag og notkun loftrýmis í samevrópska loftrýminu (loftrýmisreglugerðin) ⁽³⁾, og reglugerð (EB) nr. 552/2004 um rekstrarsamhæfi evrópska netsins fyrir rekstrarstjórnun flugumferðar (rekstrarsamhæfisreglugerðin) ⁽⁴⁾.
- 2) Verkefnið um nútímavæðingu á rekstrarstjórnun flugumferðar í Evrópu (SESAR-verkefnið) tekur til tækniþáttar samevrópska loftrýmisins. Markmiðið er að fyrir árið 2020 hafi afkastamiklu grunnvirki fyrir flugumferðarstjórn í Bandalaginu verið komið á laggirnar, sem gerir kleift að þróa örugga og vistvæna flutninga í lofti og þar sem tækni framfarir áætlaða á borð við Galiléó eru nýttar til fulls.
- 5) Markmiðið með SESAR-verkefninu er að samþætta og samræma rannsóknar- og þróunarstarfsemi, sem áður fór fram víðs vegar og án samræmingar í Bandalaginu, einnig á fjarlægustu og afskekktustu svæðum þess, sem um getur í 2. mgr. 299. gr. sáttmálans.
- 6) Með því að komast hjá tvítekningu í rannsóknar- og þróunarstarfsemi mun SESAR-verkefnið ekki leiða til hækkunar á heildarframlagi flugnotenda til rannsóknar- og þróunarmála.

(*) Þessi EB-gerð birtist í Stjtið. ESB L 64, 2.3.2007, bls. 1. Hennar var getið í ákvörðun sameiginlegu EES-nefndarinnar nr. 78/2010 frá 11. júní 2010 um breytingu á bokun 31. við EES-samninginn, sjá *EES-viðbætur við Stjórnartíðindi Evrópusambandsins* nr. 49, 16.9.2010, bls. 36.

⁽¹⁾ Stjtið. ESB L 96, 31.3.2004, bls. 1.

⁽²⁾ Stjtið. ESB L 96, 31.3.2004, bls. 10.

⁽³⁾ Stjtið. ESB L 96, 31.3.2004, bls. 20.

⁽⁴⁾ Stjtið. ESB L 96, 31.3.2004, bls. 26.

7) SESAR-verkefnið skiptist í þrjá áfanga: skilgreiningaráfanga, þróunaráfanga og nýtingaráfanga.

- 8) Markmiðið með skilgreiningaráfanga SESAR-verkefnisins er að skilgreina hina ýmsu tæknilegu áfanga, forgangsmálin í nútímavæðingaráætlunum og verklegar framkvæmdaáætlanir. Bandalagið og Evrópustofnunin um öryggi flugleiðsögu (e. Eurocontrol) fjármagna hann sameiginlega.
- 9) Skilgreiningaráfanginn hófst í október 2005 og er framkvæmd hans, sem Evrópustofnunin um öryggi flugleiðsögu ber ábyrgð á, í höndum fyrirtækjasamtaka sem valin voru að afstöðnu útboði. Honum lýkur árið 2008 og mun leiða til myndunar Evrópsku mynsturáætlunarinnar um flugumferðarstjórn. Í þeirri áætlun er vinnuáætlunin um framkvæmd markhugtaka, þ.m.t. ólíkar nýtingaráætlanir, útlistuð.
- 10) Skilgreiningaráfanganum verður fylgt eftir með þróunaráfanganum (2008-2013) en þá verður þróaður nýr búnaður, kerfi eða staðlar sem tryggja samleitna þróun í átt til fullkomlega rekstrarsamhæfðra flugumferðarstjórnarkerfa í Evrópu.
- 11) Þróunaráfanginn breytist í nýtingaráfanga (2014-2020) en þá mun framleiðsla fara fram í stórum stíl og hið nýja grunnvirki flugumferðarstjórnar koma til framkvæmda. Grunnvirkið skal samanstanda af fullkomlega samræmdum og rekstrarsamhæfðum þáttum sem tryggja skilvirka loftflutninga í Evrópu.
- 12) Með hliðsjón af því hve margir þurfa að koma að þessu ferli og því fjármagni og tæknilegri sérþekkingu sem þörf er á er afar mikilvægt fyrir hagræðingu starfseminnar að setja á stofn lögaðila sem getur tryggt stjórnun fjármuna sem veitt er til SESAR-verkefnisins meðan á þróunaráfanga þess stendur.
- 13) Því er nauðsynlegt að koma á fót sameiginlegu fyrirtæki skv. 171. gr. sáttmálans til að stuðla að viðtækum framförum í þróun tækni sem snýr að flugumferðarstjórnkerfum meðan á þróunaráfanganum stendur og til að undirbúa nýtingaráfangann.
- 14) Helsta verkefni sameiginlega fyrirtækisins er að stýra rannsókná-, þróunar- og fullgildingarstarfsemi SESAR-verkefnisins með því að sameina fjármagn frá hinu opinbera og einkageiranum, sem aðstandendur þess útvega, og með því að nota aðfengin tæknileg tilföng, ekki síst reynslu og sérþekkingu Evrópustofnunarinnar um öryggi flugleiðsögu.
- 15) Sú starfsemi, sem sameiginlega fyrirtækið tekst á hendur samkvæmt SESAR-áætluninni, er að mesu leyti rannsókná- og þróunarstarfsemi. Fjármögnun Bandalagsins skal því einkum koma frá rammaáætlunum þess um rannsóknir og þróun. Viðbótarfjármögnun getur komið frá áætluninni um samevrópsk net, skv. g-lið 4. gr. ákvörðunar Evrópuþingsins og ráðsins nr. 1692/96/EB frá 23. júlí 1996 um viðmiðunarreglur bandalagsins við uppbyggingu samevrópska flutningakerfisins ⁽¹⁾, en í henni er gert ráð fyrir fjármögnun rannsókná- og þróunarstarfsemi.
- 16) Fjármögnun Bandalagsins vegna sameiginlega fyrirtækisins skal í þessum áfanga verkefnisins takmarkast við þróunaráfangann, á tímabilinu sem núverandi fjárhagsrammi 2007-2013 nær yfir. Þetta útilokar þó ekki að ráðið eigi þess kost að endurmeta umfang, stjórnunarhætti og fjármögnun sameiginlega fyrirtækisins og hve lengi það starfar, á grundvelli þess árangurs sem næst í þróunaráfanganum.
- 17) Raunveruleg þáttaka iðnaðarins er grundvallaratriði fyrir SESAR-verkefnið. Því er nauðsynlegt að bæta framlögum frá iðnaðinum á opinber fjárlög fyrir þróunaráfanga SESAR-verkefnisins.
- 18) Sameiginlega fyrirtækinu skal komið á fót áður en skilgreiningaráfanganum líkur, svo að það geti fylgst með starfinu sem fram fer í skilgreiningaráfanganum og undirbúið þróunaráfangann til að tryggja hraða framkvæmd Evrópsku mynsturáætlunarinnar um flugumferðarstjórn.
- 19) Ráðið skal taka ákvörðun um hvort hún veitir Evrópsku mynsturáætluninni um flugumferðarstjórn, þ.m.t. flutningur hennar yfir til sameiginlega fyrirtækisins, samþykki sitt til að nútímavæða flugumferðarstjórn í Evrópu og skal í því samhengi einnig endurskoða fjármögnun SESAR-verkefnisins, sér í lagi veð fyrir framlögum frá iðnfyrirtækjum til sameiginlega fyrirtækisins.
- 20) Til að greiða fyrir samskiptum milli stofnfélaga skal aðsetur sameiginlega fyrirtækisins vera í Brussel.

(1) Stjtið. EB L 228, 9.9.1996, bls. 1. Ákvörðuninni var síðast breytt með reglugerð ráðsins (EB) nr. 1791/2006 (Stjtið. ESB L 363, 20.12.2006, bls. 1).

- 21) Sameiginlega fyrirtækið er stofnun sem ekki er rekin í hagnaðarskyni sem skal verja öllum tilföngum sem það hefur yfir að ráða til stjórnunar opinberrar rannsóknaráætlunar er varðar evrópska hagsmunum. Stofnfélagar þess tveir eru alþjóðlegar stofnanir sem koma fram fyrir hönd aðildarríkja sinna. Þessi stofnun sem ekki er rekin í hagnaðarskyni ætti því að njóta eins viðtækra eftirgjafar frá sköttum og kostur er af hálfu gistiríkisins.
- 22) Framkvæmdastjórnin skal njóta liðsinnis nefndarinnar um samevrópskt loftrými sem komið var á fót með 5. gr. reglugerðar (EB) nr. 549/2004. Ráðstafanirnar, sem eru nauðsynlegar vegna framkvæmdar þessarar reglugerðar, ber að samþykka í samræmi við ákvörðun ráðsins 1999/468/EB frá 28. júní 1999 um reglur um meðferð framkvæmdavalds sem framkvæmdastjórninni er falið⁽¹⁾.
- 23) Framkvæmdastjórnin skal með reglulegu millibili gera Evrópuþinginu og ráðinu grein fyrir árangri sameiginlega fyrirtækisins. Vinna skal þessa greinargerð á grundvelli reglubundins mats sem framkvæmdastjórnin annast og á grundvelli árlegra skýrslna sameiginlega fyrirtækisins yfir starfsemi sína.
- 24) Mæla skal fyrir um reglurnar um skipulag og starfsemi sameiginlega fyrirtækisins með því að semja samþykktir sameiginlega fyrirtækisins eins og fram kemur í viðaukanum.
- 25) Loftrýmisnotendur leggja fram fé til rannsóknar- og þróunarstarfs í flugumferðarstjórnunargeiranum þar eð þeir standa allan straum af leiðargjöldum. Þeir skulu því fá hæfilega aðild að rekstri sameiginlega fyrirtækisins.
- 26) Opinber fjármögnun á skilgreiningar- og þróunaráfanga SESAR-verkefnisins er umtalsverð og fjárfestingar í nýju kynslóðinni í rekstrarstjórnun flugumferðar skulu að miklu leyti koma frá aðildarríkjum, þ.m.t. stofnanir sem aðildarríkin tilnefna. Aðildarríkjum (Evrópusambandsins og/eða Evrópustofnunarinnar um öryggi flugleiðsögu) skal því heimilaður ókeypis aðgangur að þekkingunni sem skapast með áætluninni, nema það sé í viðskiptalegum tilgangi, og skal heimilt að nota þessa þekkingu í eigin þágu, þ.m.t. fyrir opinber útboð.
2. Sameiginlega fyrirtækið skal hætta starfsemi átta árum eftir samþykki ráðs Evrópsku mynsturáætlunarinnar um flugumferðarstjórn (ATM-mynsturáætlunin) sem leiðir af skilgreiningaráfanga SESAR-verkefnisins. Ráðið tekur afstöðu til slíks samþykkis að fenginni tillögu framkvæmdastjórnarinnar.
3. ATM-mynsturáætlunina skal senda til Evrópuþingsins.
4. Ráðið skal endurmeta umfang, stjórnunarhætti, fjármögnun og starfstíma sameiginlega fyrirtækisins eftir því sem við á, á grundvelli tillögu frá framkvæmdastjórninni í samræmi við þróun áætlunarinnar og ATM-mynsturáætlunina, með tilliti til matsins sem um getur í 7. gr.
5. Markmið sameiginlega fyrirtækisins skal vera að tryggja nútímavæðingu rekstrarstjórnunarkerfis flugumferðar í Evrópu með því að samræma og sameina allt rannsóknar- og þróunarstarf þar að lútandi í Bandalaginu. Það skal bera ábyrgð á framkvæmd ATM-mynsturáætlunarinnar, einkum framkvæmd eftirfarandi verkefna:
- að skipuleggja og samræma starfsemina í þróunaráfanga SESAR-verkefnisins, í samræmi við ATM-mynsturáætlunina, sem leiðir af skilgreiningaráfanga verkefnisins, sem Evrópustofnunin um öryggi flugleiðsögu stýrir, með því að sameina fjármögnun frá hinu opinbera og úr einkageiranum undir einni umsjónarstofnun,
 - að tryggja nauðsynlega fjármögnun á starfsemi þróunaráfanga SESAR-verkefnisins í samræmi við ATM-mynsturáætlunina,
 - að tryggja þátttöku hagsmunaaðila á sviði rekstrarstjórnunar flugumferðar í Evrópu, einkum: veitenda flugleiðsöguþjónustu, loftrýmisnotenda, samtaka fagmenntaðra starfsmanna, flugvallar og framleiðsluiðnaðar, auk viðeigandi visindastofnana eða viðeigandi visindasamfélags,
 - að skipuleggja tæknilega vinnu á sviði rannsókna og þróunar, fullgildingar og athugunar, sem hrinda á í framkvæmd á þess vegum, um leið og reynt er að koma í veg fyrir uppskiptingu slíkrar starfsemi,
 - að tryggja eftirlit með starfsemi tengdri þróun sameiginlegra vara sem merktar eru á tilhlýðilegan hátt í ATM-mynsturáætluninni, auk þess að skipuleggja sérstök útboð ef nauðsyn krefur.
6. Sameiginlega fyrirtækið skal hefja starfsemi í síðasta lagi þegar ATM-mynsturáætlunin hefur verið flutt til sameiginlega fyrirtækisins.

SAMÞYKKT REGLUGERÐ ÞESSA:

I. gr.

Stofnun sameiginlegs fyrirtækis

1. Sameiginlegu fyrirtæki, er nefnist „sameiginlega SESAR-fyrirtækið“ (sameiginlega fyrirtækið) og ætlað er að stýra starfseminni í þróunaráfanga áætlunarinnar um að nútímavæða rekstrarstjórnun flugumferðar í Evrópu og auka öryggi (SESAR-verkefnið), er hér með komið á fót.

⁽¹⁾ Stjtið. EB L 184, 17.7.1999, bls. 23. Ákvörðuninni var síðast breytt með ákvörðun 2006/512/EB (Stjtið. ESB L 200, 22.7.2006, bls. 11).

7. Aðsetur sameiginlega fyrirtækisins skal vera í Brussel.

2. gr.

Réttarstaða

1. Sameiginlega fyrirtækið skal hafa réttarstöðu lögaðila. Það skal hafa það réttshæfi og gerhæfi í hverju aðildarríki sem löggjöf þess framast veitir lögaðilum. Því er m.a. heimilt að afla sér lausafjár og fasteigna eða ráðstafa þeim og það getur verið aðili að málaferlum.

2. Aðildarríki skulu gera allar hugsanlegar ráðstafanir til að sameiginlega fyrirtækið njóti sem víðtækastrar undanþágu frá skattlagningu, að því er varðar virðisaukaskatt sem og aðra skatta og vörugjöld.

3. gr.

Stofnsamþykktir hins sameiginlega fyrirtækis

Stofnsamþykktir sameiginlega fyrirtækisins, eins og þær eru settar fram í viðaukanum við þessa reglugerð, eru óaðskiljanlegur hluti reglugerðarinnar og eru hér með samþykktar.

4. gr.

Fjármögnunarleiðir

1. Fjármagna skal sameiginlega fyrirtækið með framlögum frá félögum þess, þ.m.t. einkafyrirtæki skv. 1. og 12. gr. stofnsamþykktanna.

2. Framlag Bandalagsins skal greitt af fjárlögum fyrir rammaáætlunina um rannsóknir og tækniþróun. Það getur þar að auki verið greitt af fjárlögum rammaáætlunarinnar um samevrópsk net.

3. Öllum fjárframlögum Bandalagsins til sameiginlega fyrirtækisins skal hætt þegar fjárhagsáætlunin fyrir tímabilið 2007-2013 rennur út, nema ráðið ákveði annað á grundvelli tillögu framkvæmdastjórnarinnar.

5. gr.

Nefnd

1. Gera skal nefndinni um samevrópskt loftrými, sem komið var á fót með 5. gr. reglugerðar (EB) nr. 549/2004 (nefndin), reglulega grein fyrir störfum sameiginlega fyrirtækisins. Í því skyni skal framkvæmdastjórnin setja SESAR-verkefnið sem mál á dagskrá á fundum framkvæmdastjórnarinnar.

2. Framkvæmdastjórnin skal samþykka afstöðu Bandalagsins í stjórninni.

3. Afstaða Bandalagsins í stjórninni að því er varðar ákvarðanir um skipun framkvæmdastjóra, mikilvæg fjárhagsleg málefni eða ákvarðanir sem teknar eru skv. 23. gr. stofnsamþykktanna skulu þó samþykktar í samræmi við málsmeðferðina sem um getur í 2. mgr. 6. gr. þessarar reglugerðar.

4. Afstaða Bandalagsins í stjórninni, að því er varðar ákvarðanir sem lúta að aðild nýrra félaga, breytingum á stofnsamþykktunum og meiriháttar breytingum á ATM-mynsturáætluninni, skal samþykkt í samræmi við málsmeðferðina sem um getur í 3. mgr. 6. gr.

6. gr.

Nefndarmeðferð

1. Framkvæmdastjórnin skal njóta aðstoðar nefndarinnar sem um getur í 5. gr.

2. Þegar vísað er til þessa málsgrein gilda ákvæði 4. og 7. gr. ákvörðunar 1999/468/EB.

Tímabilið, sem um getur í 3. mgr. 4. gr. ákvörðunar 1999/468/EB, skal vera einn mánuður.

3. Þegar vísað er til þessarar málsgreinar gilda ákvæði 5. og 7. gr. ákvörðunar 1999/468/EB.

Tímabilið, sem mælt er fyrir um í 6. mgr. 5. gr. ákvörðunar 1999/468/EB, skal vera einn mánuður.

4. Framkvæmdastjórninni er heimilt að ráðfæra sig við nefndina um öll önnur málefni sem varða beitingu þessarar reglugerðar.

5. Nefndin setur sér starfsreglugerð.

7. gr.

Mat

Á þriggja ára fresti frá því að sameiginlega fyrirtækið hefur starfsemi sína og að lágmarki einu ári áður en starfstími sameiginlega fyrirtækisins rennur út skal framkvæmdastjórnin láta meta framkvæmd þessarar reglugerðar, árangur sameiginlega fyrirtækisins og vinnuáferðir þess, auk almennrar fjárhagsstöðu sameiginlega fyrirtækisins. Framkvæmdastjórnin skal kynna Evrópuþinginu og ráðinu niðurstöður þessa mats.

8. gr.

Gildistaka

Reglugerð þessi öðlast gildi daginn eftir að hún birtist í *Stjórnartíðindum Evrópusambandsins*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 27. febrúar 2007.

Fyrir hönd ráðsins,

P. STEINBRÜCK

forseti.

VIÐAUKI

STOFNSAMÞYKKTIR SAMEIGINLEGA FYRIRTÆKISINS

1. gr.

Félagsaðilar

1. Stofnfélagar sameiginlega fyrirtækisins skulu vera:
 - Evrópubandalagið, sem framkvæmdastjórn Evrópubandalaganna (framkvæmdastjórnin) er í forsvari fyrir,
 - Evrópustofnunin um öryggi flugleiðsögu (e. Eurocontrol), sem umboðsskrifstofa hennar er í forsvari fyrir.
2. Eftirfarandi aðilar geta orðið félagsaðilar að sameiginlega fyrirtækinu:
 - Fjárfestingarbanki Evrópu,
 - öll önnur opinber fyrirtæki eða einkafyrirtæki eða aðilar, þ.m.t. frá þriðju löndum, sem hafa gert a.m.k. einn samning við Evrópubandalagið á sviði flutninga í lofti.
3. Beiðni um aðild skal beint til framkvæmdastjórans sem framsendir hana til stjórnarinnar. Stjórnin skal ákveða hvort samningaviðræður skuli heimilaðar. Ef heimild er veitt skal framkvæmdastjórnin semja um aðildarskilmálana og leggja þá fyrir stjórnina. Þessir skilmálar skulu m.a. fela í sér ákvæði um fjárframlög og setu í stjórninni. Drögin að samningnum skulu lögð fyrir stjórnina til samþykkis skv. d-lið 1. mgr. 5. gr.
4. Stjórnin skal einkum hafa eftirfarandi viðmiðanir til hliðsjónar þegar hún tekur ákvörðun um hvort heimila skuli samningaviðræður um aðild við opinber fyrirtæki og einkafyrirtæki eða aðila:
 - skjalfesta þekkingu og reynslu af rekstrarstjórnun flugumferðar og/eða af framleiðslu búnaðar og/eða þjónustu á sviði rekstrarstjórnunar flugumferðar,
 - umfang framlagsins sem búast má við frá fyrirtækinu eða aðilanum vegna framkvæmdar ATM-mynsturáætlunarinnar,
 - trausta fjárhagsstöðu fyrirtækisins eða aðilans,
 - hugsanlega hagsmunaaðreksa.
5. Ekki er heimilt að veita þriðja aðila félagsaðild að sameiginlega fyrirtækinu nema stjórnin hafi áður veitt samhljóða samþykki fyrir henni.

2. gr.

Stofnanir hins sameiginlega fyrirtækis

Stofnanir sameiginlega fyrirtækisins skulu vera stjórnin og framkvæmdastjórnin.

3. gr.

Skipan og formennska stjórnarinnar

1. Stjórnina skipa eftirfarandi aðilar:
 - a) fulltrúi allra félagsaðila sameiginlega fyrirtækisins,
 - b) fulltrúi hersins,
 - c) fulltrúi almennra loftrýmisnotenda sem tilnefndur er af samtökunum sem koma fram fyrir hönd þeirra á evrópskum vettvangi,
 - d) fulltrúi veitenda flugleiðsöguþjónustu sem tilnefndur er af samtökunum sem koma fram fyrir hönd þeirra á evrópskum vettvangi,
 - e) fulltrúi framleiðenda tækjabúnaðar sem tilnefndur er af samtökunum sem koma fram fyrir hönd þeirra á evrópskum vettvangi,
 - f) fulltrúi flugvallanna sem tilnefndur er af samtökunum sem koma fram fyrir hönd þeirra á evrópskum vettvangi,
 - g) fulltrúi frá aðilum sem koma fram fyrir hönd starfsfólks á sviði rekstrarstjórnunar flugumferðar, sem tilnefndur er af samtökunum sem koma fram fyrir hönd þeirra á evrópskum vettvangi,
 - h) fulltrúi viðeigandi vísindastofnana eða viðeigandi vísindasamfélags, sem tilnefndur er af samtökunum sem koma fram fyrir hönd þeirra á evrópskum vettvangi,
2. Fulltrúi Bandalagsins fer með formennsku í stjórninni.

4. gr.

Atkvæðagreiðsla í stjórninni

1. Fulltrúarnir, sem um getur í a- og c-lið 1. mgr. 3. gr., hafa atkvæðisrétt.
2. Félagsaðilar að sameiginlega fyrirtækinu skulu fara með fjölda atkvæða í hlutfalli við framlög í sjóði sameiginlega fyrirtækisins. Þrátt fyrir fyrsta málslið þessarar málsgreinar skulu Bandalagið og Evrópustofnunin um öryggi flugleiðsögu þó ekki fara með minna en 25% af heildaratkvæðafjöldanum og fulltrúar loftrýmisnotenda, sem um getur í c-lið 1. mgr. 3. gr., skulu fara með minnst 10% af heildaratkvæðafjöldanum.
3. Ákvarðanir stjórnarinnar skulu samþykktar með einföldum meirihluta greiddra atkvæða ef ekki er kveðið á um annað í þessum stofnsamþykktum.

4. Ef atkvæði falla jafnt ræður atkvæði Bandalagsins úrslitum.

5. Allar ákvarðanir um inngöngu nýrra félagsaðila (í skilningi 2. mgr. 1. gr.), skipan framkvæmdastjóra, breytingartillögur við þessar stofnsamþykktir, tillögur til framkvæmdastjórnarinnar um starfstíma sameiginlega fyrirtækisins, slita sameiginlega fyrirtækisins eða ákvarðanir teknar skv. 23. gr., þurfa atkvæði fulltrúa Bandalagsins í stjórninni til að öðlast gildi.

6. Ákvarðanir um upptöku ATM-mynsturáætlunarinnar og breytingar á henni þurfa atkvæði stofnaðilanna til að öðlast gildi. Þrátt fyrir ákvæði þessarar greinar skulu slíkar ákvarðanir ekki teknar kjósi fulltrúarnir, sem um getur í c-, d-, f- og g-lið 1. mgr. 3. gr., einróma gegn þeim.

5. gr.

Skyldur stjórnarinnar

1. Stjórnin skal einkum bera ábyrgð á að:

- a) taka upp ATM-mynsturáætlunina sem ráðið samþykkir, eins og um getur í 2. mgr. 1. gr. þessarar reglugerðar, og öllum tillögum til breytinga á þeim sem kunna að verða samþykktar,
- b) veita leiðsögn og taka nauðsynlegar ákvarðanir vegna framkvæmdar þróunaráfanga SESAR-verkefnisins og hafa yfirumsjón með framkvæmdinni,
- c) samþykkja vinnuáætlun sameiginlega fyrirtækisins og árlegar vinnuáætlanir, sem um getur í 1. mgr. 16. gr., auk árlegu fjárhagsáætlunarinnar, þ.m.t. yfirlit yfir stöðugildi,
- d) heimila samningaviðræður og taka ákvörðun um inngöngu nýrra félagsaðila og um alla samninga þar að lútandi eins og um getur í 3. mgr. 1. gr.,
- e) hafa umsjón með framkvæmd samninganna milli félagsaðilanna og sameiginlega fyrirtækisins,
- f) skipa framkvæmdastjóra og víkja honum úr starfi og samþykkja skipuritið,
- g) ákvarða fjárhæðir og fyrirkomulag greiðslu fjárframlaga frá félagsaðilunum og meta framlög sem greiddast í fríðu,
- h) samþykkja fjárhagsreglugerðir sameiginlega fyrirtækisins,
- i) samþykkja ársreikningana og efnahagsreikningana,
- j) samþykkja ársskýrslur um framvindu þróunaráfanga SESAR-verkefnisins og fjárhagsstöðu þess sem um getur í 2. mgr. 16. gr.,

k) taka ákvarðanir um tillögur til framkvæmdastjórnarinnar um framlengingu á starfstíma sameiginlega fyrirtækisins og um slit þess,

l) fastsetja málsmeðferðir þegar aðgangur er veittur að efnislegum og óefnislegum eignum sem tilheyra sameiginlega fyrirtækinu og við flutning slíkra eigna,

m) mæla fyrir um reglur og málsmeðferðir við úthlutun nauðsynlegra samninga vegna framkvæmdar ATM-mynsturáætlunarinnar, þ.m.t. sérstakar verklagsreglur vegna hagsmunaárekstra,

n) taka ákvarðanir um tillögur til framkvæmdastjórnarinnar er varða breytingar á stofnsamþykktunum í samræmi við 24. gr.,

o) beita öðru þeim valdheimildum og leysa önnur þau verkefni, þ.m.t. að koma á fót undirnefndum, sem geta verið nauðsynleg fyrir þróunaráfanga SESAR-áætlunarinnar,

p) ákveða fyrirkomulagið á framkvæmd ákvæða 8. gr.

2. Stjórnin skal setja sér starfsreglur sem tryggja að starfsemi hennar gangi greiðlega og eðlilega fyrir sig, einkum og sér í lagi ef félagsaðilum fjölgar umtalsvert. Þessar reglur skulu einnig fela í sér eftirfarandi ákvæði:

- a) stjórnin skal koma saman a.m.k. fjórum sinnum á ári. Boða skal til aukafunda að beiðni annaðhvort þriðjungs fulltrúa í stjórninni, sem fara með a.m.k. 30% atkvæða, eða að beiðni Bandalagsins, eða framkvæmdastjórans,
- b) fundirnir skulu að öllu jöfnu fara fram þar sem sameiginlega fyrirtækið hefur aðsetur,
- c) framkvæmdastjórinn skal taka þátt í fundunum nema annað sé ákveðið í sérstökum tilvikum,
- d) sérstakar verklagsreglur til að sjá fyrir hagsmunaárekstra og komast hjá þeim.

6. gr.

Leiðir til að komast hjá hagsmunaárekstrum

1. Félagsaðilum að sameiginlega fyrirtækinu eða fulltrúum í stjórninni og starfsmönnum sameiginlega fyrirtækisins er óheimil þátttaka í undirbúnings-, mats- eða útboðsferli opinberra útboða, ef þeir eiga eða eru með samstarfssamninga við aðila sem kynnu að taka þátt í opinberu útboði eða vera í forsvari fyrir slíka aðila.

2. Félagsaðilar að sameiginlega fyrirtækinu og þátttakendur í stjórn þess skulu upplýsa um alla beina eða óbeina hagsmuni, persónulega jafnt sem viðskiptalega, í niðurstöðum umræðna stjórnarinnar um öll mál á dagskrá. Þessi krafa gildir einnig um starfsfólkið að þá er varðar verkefnið sem því eru falin.

3. Á grundvelli upplýsingagjafarinnar, sem um getur í 2. mgr., getur stjórnin tekið ákvörðun um að útiloka félagsaðila, þáttakendur eða starfsfólk frá ákvörðunum eða verkefnum í þeim tilvikum þegar hætta er á hagsmunaárekstrum. Þessir aðilar munu þá ekki hafa aðgang að upplýsingum sem varða svið þar sem talin er hætta á hagsmunaárekstrum.

7. gr.

Framkvæmdastjóri

1. Framkvæmdastjórinn ber ábyrgð á daglegri stjórnun sameiginlega fyrirtækisins og er lagalegur fyrirsvarmaður þess.

2. Framkvæmdastjórinn skal tilnefndur af stjórninni að tillögu framkvæmdastjórnar Evrópubandalaganna sem skal tilgreina minnst þrjá umsækjendur.

3. Framkvæmdastjórinn skal hafa fullt sjálfstæði til að gegna störfum sínum innan þess umboðs sem honum er falið.

4. Framkvæmdastjórinn skal stýra framkvæmd SESAR-verkefnisins í samræmi við viðmiðunarreglurnar sem stjórnin setur og er hann ábyrgur gagnvart henni. Hann skal veita stjórninni allar nauðsynlegar upplýsingar til að hún geti sinnt verkefnum sínum.

5. Framkvæmdastjórinn skal einkum :

- a) ráða, stjórna og hafa eftirlit með starfsfólki sameiginlega fyrirtækisins, þ.m.t. starfsfólk sem um getur í 4. mgr. 8. gr.,
- b) skipuleggja, stjórna og hafa umsjón með starfsemi sameiginlega fyrirtækisins,
- c) leggja tillögur varðandi skipuritið fyrir stjórnina,
- d) gera og uppfæra reglulega heildar- og árlega vinnuáætlun sameiginlega fyrirtækisins, þ.m.t. áætlaðan kostnað við áætlarnir, og leggja þær fyrir stjórnina,
- e) semja drög að árlegri fjárhagsáætlun í samræmi við fjárhagsreglurnar, þ.m.t. yfirlit yfir stöðugildi, og leggja fyrir stjórnina,
- f) sjá til þess að skuldbindingar sameiginlega fyrirtækisins, að því er varðar gerða samninga og samkomulög, séu uppfylltar,
- g) tryggja að starfsemi sameiginlega fyrirtækisins sé algerlega óháð og laus við alla hagsmunaárekstra,
- h) semja ársskýrslu um framvindu SESAR-verkefnisins og fjárhagsstöðu þess, ásamt öðrum skýrslum sem stjórnin kann að óska eftir, og leggja þær fyrir stjórnina.

- i) leggja árs- og efnahagsreikningana fyrir stjórnina,
- j) leggja fyrir stjórnina allar tillögur sem fela í sér breytingu á útfærslu SESAR-verkefnisins.

8. gr.

Starfsfólk sameiginlega fyrirtækisins

1. Ákvarða skal fjölda starfsfólks í yfirlitinu yfir stöðugildi sem sett verður fram í árlegri fjárhagsáætlun.

2. Ráðningarsamningur starfsfólks sameiginlega fyrirtækisins skal vera tímabundinn og byggjast á ráðningarskilmálum opinberra starfsmanna Evrópubandalaganna.

3. Sameiginlega fyrirtækið skal standa straum af öllum kostnaði vegna starfsmanna.

4. Allir félagsaðilar að sameiginlega fyrirtækinu geta lagt til við framkvæmdastjórnann að hann sendi starfsmenn til sameiginlega fyrirtækisins í samræmi við skilyrðin sem kveðið er á um í viðkomandi samningi.

Starfsfólk, sem sent er til sameiginlega fyrirtækisins, skal talið með í yfirliti yfir stöðugildi og skal starfa algerlega sjálfstætt undir eftirliti framkvæmdastjórnans.

9. gr.

Samningar

1. Sameiginlega fyrirtækið getur gert sérstaka samninga við félagsaðila sína til að framkvæma verkefni sem skilgreind eru í 5. mgr. 1. gr.

2. Skilgreina skal hlutverk og framlag Evrópustofnunarinnar um öryggi flugleiðsögu samkvæmt samningi við sameiginlega fyrirtækið. Í samningi þessum skal:

- a) setja nákvæm fyrirmæli um tilfærslu og notkun niðurstaðna úr skilgreiningaráfanga sameiginlega fyrirtækisins,
- b) lýsa verkefnum og skyldum Evrópustofnunarinnar um öryggi flugleiðsögu í tengslum við framkvæmd mynsturáætlunarinnar um flugumferðarstjórn sem eru á valdsviði sameiginlega fyrirtækisins, svo sem að:
 - i. skipuleggja rannsókn-, þróunar- og fullgildingarstarfsemi í samræmi við vinnuáætlun sameiginlega fyrirtækisins,
 - ii. samræma sameiginlega þróun á flugumferðarkerfi framtíðarinnar á ábyrgð Evrópustofnunarinnar um öryggi flugleiðsögu,
 - iii. leggja til mögulegar breytingar á ATM-mynsturáætluninni, að höfðu samráði við þá hagsmunaaðila sem um getur í 5. mgr. 1. gr. þessarar reglugerðar,
 - iv. uppfæra samleitnivisa (samleitni- og framkvæmdaáætlun Evrópu, staðbundin samleitni og framkvæmdaáætlun),
 - v. hafa samráð við Alþjóðaflugmálastofnunina.

3. Allir samningar við félagsaðila skulu hafa að geyma viðeigandi ákvæði sem koma í veg fyrir mögulega hagsmunaárekstra félagsaðila við vinnslu verkefnanna sem kveðið er á um í þessum samningum.

4. Fulltrúum félagsaðila að sameiginlega fyrirtækinu er óheimilt að taka þátt í umræðum sameiginlega fyrirtækisins sem lúta að samningaviðræðum um gerð þeirra eigin samninga sem um getur í 1. mgr. og skal synjað um aðgang að gögnum um þessar umræður.

10. gr.

Samningar við utanaðkomandi aðila

1. Þrátt fyrir ákvæði 9. gr. er sameiginlega fyrirtækinu heimilt að gera þjónustu- og vörusamninga við fyrirtæki eða fyrirtækjasamtök, einkum til að annast þau verkefni sem kveðið er á um í 5. mgr. 1. gr. þessarar reglugerðar.

2. Sameiginlega fyrirtækið skal sjá til þess að í samningunum, sem um getur í 1. mgr., sé kveðið á um rétt framkvæmdastjórnarinnar til að stunda eftirlit, fyrir hönd sameiginlega fyrirtækisins, til að tryggja að fjárhagslegir hagsmunir Bandalagsins séu verndaðir.

3. Samningarnir, sem um getur í 1. mgr., skulu hafa að geyma öll viðeigandi ákvæði um hugverkarétt, sem um getur í 18. gr., ásamt viðeigandi refsiakvæðum. Til að komast hjá hagsmunaárekstrum skulu félagsaðilar, sem koma að skilgreiningu á vinnu sem er útboðsskyld, þ.m.t. starfsfólk þeirra sem er aðsent skv. 4. mgr. 8. gr., ekki taka þátt í þessari starfsemi.

11. gr.

Starfshópar

1. Til að sjá um verkefni, sem kveðið er á um í 5. mgr. 1. gr. þessarar reglugerðar, getur sameiginlega fyrirtækið skipað takmarkaðan fjölda vinnuhópa til að annast starfsemi sem ekki hefur þegar farið fram annars staðar. Þessir hópar skulu reiða sig á sérþekkingu fagmanna og starfa með gagnsæum hætti.

2. Þeir sérfræðingar, sem taka þátt í vinnu starfshópanna, mega ekki koma úr starfsliði sameiginlega fyrirtækisins.

3. Fulltrúi sameiginlega fyrirtækisins fer með formennsku í starfshópunum.

12. gr.

Fjárhagsákvæði

1. Sameiginlega fyrirtækið skal afla tekna eftir þeim leiðum sem tilgreindar eru í 4. gr. þessarar reglugerðar.

2. Til að hrinda af stað starfsemi sameiginlega fyrirtækisins skulu stofnaðilar þess greiða stofnframlag, sem nemur að lágmarki 10 milljónum evra, innan eins árs frá stofnun sameiginlega fyrirtækisins.

3. Félagsaðilarnir, sem um getur í öðrum undirlið 2. mgr. 1. gr., skulu skuldbinda sig til að greiða stofnframlag, sem nemur að lágmarki 10 milljónum evra, innan eins árs frá því að þeim er veitt aðild að sameiginlega fyrirtækinu. Lækka skal þessa fjárhæð niður í fimm milljónir evra fyrir félagsaðila sem ganga inn í sameiginlega fyrirtækið innan 12 mánaða frá myndun þess.

Þegar um er að ræða fyrirtæki, sem fá aðild hvert fyrir sig eða sameiginlega, sem teljast vera lítil eða meðalstór fyrirtæki í skilningi tilmæla framkvæmdastjórnarinnar frá 6. maí 2003 um skilgreiningu á litlum og meðalstörum fyrirtækjum⁽¹⁾, skal lækka fjárhæðina niður í 250 000 evrur án tillits til þess hvenær þau hlutu félagsaðild. Þjóða má nýjum félagsaðilum að greiða stofnframlagið í nokkrum afborgunum sem dreifast yfir tímabil sem er ákveðið og samþykkt í samningnum þeirra eins og um getur í 3. mgr. 1. gr.

4. Stjórnin skal ákvarða fjárhæðirnar sem hver félagsaðili skal reiða af hendi í réttu hlutfalli við framlagið sem hann hefur fallist á að greiða og skal ákveða fyrir hvaða eindaga félagsaðilar verða að hafa greitt framlög sín.

5. Hægt er að greiða framlögin í fríðu að undanskildum framlögum sem um getur í 2. mgr. Meta skal virði og notagildi eigna með tilliti til gagnsemi þeirra fyrir vinnslu verkefna sameiginlega fyrirtækisins og þær tilgreindar í samningnum sem um getur í 3. mgr. 1. gr.

6. Hver sá félagsaðili að sameiginlega fyrirtækinu, sem virðir ekki skuldbindingar sínar varðandi framlag í fríðu, eða greiðir ekki tilskilda fjárhæð innan tiltekins frests, missir í sex mánuði eftir að fresturinn rennur út, atkvæðisrétt sinn í stjórninni þar til hann hefur uppfyllt skuldbindingar sínar. Hafi skuldbindingarnar ekki verið uppfylltar fyrir lok þessa sex mánaða tímabils skal félagsleyfið afturkallað.

13. gr.

Reglulegar tekjur

1. Öllum tekjum sameiginlega fyrirtækisins skal varið til verkefnanna sem skilgreind eru í 5. mgr. 1. gr. þessarar reglugerðar. Með fyrirvara um 25. gr. skal ekki reiða fram greiðslur til félagsaðila sameiginlega fyrirtækisins með því að skipta hugsanlegum tekjum sem eru umfram útgjöld sameiginlega fyrirtækisins.

2. Þrátt fyrir gildandi reglugerðarákvæði um framlag Bandalagsins skulu allir vextir af framlögum sem félagsaðilar greiða teljast til tekna sameiginlega fyrirtækisins.

14. gr.

Fjárhagsreglugerðir

1. Stjórnin skal samþykkja fjárhagsreglugerðir sameiginlega fyrirtækisins.

2. Tilgangur fjárhagsreglugerðanna er að tryggja hagkvæma og trausta fjármálastjórnun sameiginlega fyrirtækisins.

⁽¹⁾ Stjóð. ESB L 124, 20.5.2003, bls. 36.

3. Almennar meginreglur, sem mælt er fyrir um í reglugerð framkvæmdastjórnarinnar (EB, KBE) nr. 2343/2002 frá 23. desember 2002 um fjárhagslega rammareglugerð fyrir þá aðila sem um getur í 185. gr. reglugerðar ráðsins (EB, KBE) nr. 1605/2002 um fjárhagsreglugerðina sem gildir um fjárlög Evrópubandalaganna⁽¹⁾, skulu gilda um fjárhagsreglurnar og skulu einkum fela í sér helstu reglur um:

- a) framsetningu og fyrirkomulag kostnaðaráætlunar SESAR-verkefnisins og árlegrar fjárhagsáætlunar,
- b) framkvæmd árlegrar fjárhagsáætlunar og innri fjármálastjórn,
- c) greiðslumáta framlaga félagsaðila sameiginlega fyrirtækisins,
- d) færslu og framsetningu bóka og birgðaskrár auk þess að gera og setja fram árlega efnahagsreikninga,
- e) útboðsfyrirkomulag sem byggist á jafnræði milli landa félagsaðila sameiginlega fyrirtækisins og sem tekur mið af Bandalagseinkennum verkefnisins, og jafnframt gerð og skilmálum og skilyrðum samninga og pantana fyrir hönd sameiginlega fyrirtækisins.

4. Setja skal nákvæmar framkvæmdarreglur í samning milli sameiginlega fyrirtækisins og framkvæmdastjórnarinnar sem gera framkvæmdastjórninni kleift að tryggja að skyldur hennar séu uppfylltar skv. 274. gr. stofnsáttmála Evrópubandalagsins.

15. gr.

Framkvæmd og eftirlit með fjárhagsáætluninni

1. Fjárhagsárið skal samsvara almanaksárinu.
2. Fyrir 31. mars ár hvert skal framkvæmdastjórnin senda félagsaðilunum kostnaðaráætlun vegna SESAR-verkefnisins sem stjórnin hefur samþykkt.

Í kostnaðaráætlun verkefnisins skal tilgreina áætluð árleg útgjöld fyrir næstu tvö árin. Í þessari áætlun skal vera yfirlit yfir áætlaðar tekjur og útgjöld á fyrra fjárhagsári (bráðabirgðadrög að fjárhagsáætlun) sem er nægilega ítarlegt með tilliti til afgreiðslu fjárlaga hvers aðila innan sameiginlega fyrirtækisins að þá er varðar fjárframlög hans til sameiginlega fyrirtækisins. Framkvæmdastjórnin skal veita félagsaðilunum allar nauðsynlegar viðbótarupplýsingar í þessu skyni.

3. Félagadilarnir skulu þegar í stað koma athugasemdum sínum um kostnaðaráætlunina á framfæri við framkvæmdastjórnann, einkum að því er varðar yfirlit yfir áætlaðar tekjur og útgjöld fyrir komandi ár.
4. Á grundvelli samþykkrar kostnaðaráætlunarinnar, og með tilliti til athugasemda félagsaðila, skal framkvæmdastjórnin semja drög að fjárhagsáætlun fyrir komandi ár og leggja hana fyrir stjórnina til samþykktar fyrir 30. september.

5. Innan tveggja mánaða frá lokum hvers fjárhagsárs skal framkvæmdastjórnin leggja ársreikninga og efnahagsreikninga næstliðins árs fyrir Endurskoðunarrétt Evrópubandalaganna. Endurskoðun endurskoðunarréttarins skal byggjast á færslum og skal hún framkvæmd á staðnum.

6. Framkvæmdastjórnin skal leggja ársreikninga og efnahagsreikninga, ásamt skýrslu endurskoðunarréttarins, fyrir stjórnina til samþykkis með 75% meirihluta atkvæða. Framkvæmdastjórnin er heimilt og, ef stjórnin fer fram á það, er honum skylt að gera athugasemdir við skýrsluna.

7. Endurskoðunarrétturinn skal senda skýrsluna til félagsaðila sameiginlega fyrirtækisins.

16. gr.

Vinnuáætlun og skýrslur

1. Sameiginlega fyrirtækið skal semja vinnuáætlun á grundvelli traustrar stjórnunar og meginreglna um ábyrgð sem kveða skýrt á um áfangagögn og áfanga. Hún skal samanstanda af:

- a) heildarvinnuáætlun sem skiptist í þrjátíu og sex mánaða tímabil,
- b) árlegum vinnuáætlunum, sem eru samdar ár hvert, sem lýsa starfsemi, tímaáætlunum og útgjöldum sameiginlega fyrirtækisins á þessu tímabili.

2. Í ársskýrslunni skal greina frá framvindu SESAR-verkefnisins, einkum að því er varðar tímaáætlun, kostnað og framkvæmd verkefnisins.

17. gr.

Verndun fjárhagslegra hagsmuna Bandalagsins

1. Framkvæmdastjórnin skal hafa heimild til að tryggja að fjárhagslegra hagsmuna Bandalagsins sé gætt með skilvirku eftirliti. Ef framkvæmdastjórnin uppgötvar brot skal hún áskilja sér rétt til að draga úr eða stöðva tímabundið allar frekari fjárveitingar til sameiginlega fyrirtækisins.

2. Fjárhæðin, sem hefur verið lækkuð eða stöðvuð tímabundið, skv. 1. mgr., skal samsvara fjárhæð þeirra brota sem framkvæmdastjórnin uppgötvaði.

18. gr.

Eignarréttur

Sameiginlega fyrirtækið skal eiga allar efnislegar og óefnislegar eignir, sem hafa myndast eða það hefur fengið til þróunaráfanga SESAR-verkefnisins í samræmi við samninga, sem um getur í 3. mgr. 1. gr. og 9. gr., er gerðir voru við sameiginlega fyrirtækið. Sameiginlega fyrirtækið getur heimilað aðgang að þekkingunni sem skapast með verkefninu, einkum aðildarfélögum sínum sem og aðildarríkjum Evrópusambandsins og/eða Evrópustofnuninni um öryggi flugleiðsögu sé það til eigin nota og ekki í viðskiptalegum tilgangi.

⁽¹⁾ Stj.útd. EB L 357, 31.12.2002, bls. 72.

19. gr.

Gagnsæi og meðferð gagna

Stjórnin skal samþykkja reglur um meðferð gagna til að setta mismunandi kröfur um öryggi, atvinnuleyndarmál og aðgang almennings. Í þessum reglum skal, ef við á, taka tillit til meginreglna og takmarkana sem mælt er fyrir um í reglugerð Evrópuþingsins og ráðsins (EB) nr. 1049/2001 ⁽¹⁾.

20. gr.

Ráðstafanir gegn svikum

1. Ákvæði reglugerðar Evrópuþingsins og ráðsins (EB) nr. 1073/1999 frá 25. maí 1999 um rannsóknir Evrópuskrifstofunnar um aðgerðir gegn svikum (OLAF) ⁽²⁾ skulu gilda í þeim tilgangi að berjast gegn svikum, spillingu og annarri ólöglegri starfsemi.

2. Sameiginlega fyrirtækið skal gerast aðili að samstarfssamningnum frá 25. maí 1999, sem gerður var milli Evrópuþingsins, ráðs Evrópusambandsins og framkvæmdastjórnar Evrópubandalaganna, um innri rannsóknir Evrópuskrifstofunnar um aðgerðir gegn svikum (OLAF) ⁽³⁾ og skal án tafar setja viðeigandi ákvæði sem gilda um alla starfsmenn sameiginlega fyrirtækisins.

3. Endurskoðunarréttinum og Evrópuskrifstofunni um aðgerðir gegn svikum er heimilt, ef nauðsyn krefur, að láta fara fram vettvangseftirlit hjá viðtakendum fjármagns frá sameiginlega fyrirtækinu og hjá þeim aðilum sem úthluta því.

21. gr.

Bótaábyrgð

1. Sameiginlega fyrirtækið ber eitt ábyrgð á þá að þá að uppfylli skyldur sínar.

2. Samningsbundin ábyrgð sameiginlega fyrirtækisins skal falla undir viðeigandi samningsbundin ákvæði og þá lögjöf sem gildir um viðkomandi samning.

3. Allar greiðslur frá sameiginlega fyrirtækinu vegna ábyrgðarinnar, sem um getur í 2. mgr., ásamt tengdum kostnaði og gjöldum, skulu teljast til útgjalda sameiginlega fyrirtækisins.

4. Framkvæmdastjórinn skal leggja tillögur fyrir stjórnina um nauðsynlegar tryggingar og skal sameiginlega fyrirtækið hafa þá á tryggingu sem stjórnin getur krafist.

22. gr.

Trúnaðarkvaðir

Sameiginlega fyrirtækið skal tryggja vernd viðkvæmra upplýsinga ef óheimil birting þeirra getur skaðað hagsmuni samningsaðilanna. Það skal beita meginreglum og lágmarksstöðlum sem skilgreindir eru og framkvæmdir með ákvörðun ráðsins 2001/264/EB frá 19. mars 2001 um samþykkt öryggisreglna ráðsins ⁽⁴⁾.

23. gr.

Tilfærsla sameiginlega fyrirtækisins á efnislegum og óefnislegum eignum

Við lok tímabilsins, sem um getur í 1. gr. þessarar reglugerðar, skal stjórnin heimila tilfærslu sameiginlega fyrirtækisins á öllum efnislegum og óefnislegum eignum sínum eða hluta þeirra til annars aðila

24. gr.

Breytingar á stofnsamþykktunum

1. Sérhverjum félagsaðila að sameiginlega fyrirtækinu er heimilt að leggja fyrir stjórnina tillögur um breytingar á þessum stofnsamþykktum.

2. Ef stjórnin samþykkir slíkar tillögur með 75% meirihluta atkvæða og í samræmi við 5. mgr. 4. gr. þessarar stofnsamþykktar skal framkvæmdastjórinn leggja fram tillögu í samræmi við 4. mgr. 5. gr. þessarar reglugerðar.

25. gr.

Slit sameiginlega fyrirtækisins

Að því er varðar málsmeðferð við slit sameiginlega fyrirtækisins skal stjórnin skipa einn eða fleiri skiptastjóra, sem skulu fara að ákvörðunum stjórnarinnar.

26. gr.

Gildandi lög

Um öll þau mál sem falla ekki undir þessar stofnsamþykktir gilda lög ríkisins, þar sem sameiginlega fyrirtækið hefur aðsetur.

⁽¹⁾ Stjtið. EB L 145, 31.5.2001, bls. 43.

⁽²⁾ Stjtið. EB L 136, 31.5.1999, bls. 1.

⁽³⁾ Stjtið. EB L 136, 31.5.1999, bls. 15.

⁽⁴⁾ Stjtið. EB L 101, 11.4.2001, bls. 1. Ákvörðuninni var síðast breytt með ákvörðun 2005/952/EB (Stjtið. ESB L 346, 29.12.2005, bls. 18).